

忘路集

全

土岐文庫

文庫17

W32

5

10

15

20

25

30



十年歸身自忘如來時道
 肯保古維德香枝非此
 七德摩生且七德廣祥狂
 蓮為風候滿面可與共
 途路遠而意不著遠



文庫 17
W32



十年歸兮得忘却來時道
肯索古維樞香檮井此由
也焦麼今日也焦麼祥狂
逞風埃滿面可憐不志
途路盡而覺又黃昏

各集序

昭和六十年二月一日贈
去波善喜磨氏寄

010185187590

不顧老人在世四十餘年
香吟湖海皆執人三平時
提唱極多矣此篇猶對境
惟古臨風思人感興懷公
貽繼之作也傳寫四方魚魯



筆差如海西堂恐失其
本生一日總評年三百三
十餘名各曰此路集以何
剖厥父或云吾宗無德句
以傳句傳子人行以吾宗

示哉乎曰宗師家發言也
通乎乎陽去白言也
法風者也聲能金創多矣
劍離匠正按倚控又能
殺人又能活人蓋吾之術

靈可靈法句之云乎學也
象得門入外方出老人
慈鄰三味直是祖庭衝
經畢竟竟如何少林久坐
未得家靜依然有一世家

謹序

壬保戊戌之秋

建長生公序元苗林志書



忘路集卷上

德山出鉢

侍者

某編

德山托鉢

大小德山滿肚疑。低頭托鉢眼如眉。三年活爲上堂別。不在巖頭密啓遲。

趙州訪茱萸

老老大大山又水。纔有住處還無寺。馬騎弄得三十年。堪笑不解騎驢子。

忘路集卷一
六祖風幡

不是風幡心動搖。肉邊菜熟口生津。勸君喫盡
一杯酒。西出陽關無故人。

興化罰克賓

唱道之言何敢聞。喫他一棒果驚羣。雖然法戰
不能勝。算出罰錢五貫文。

德山油糍

朝喫胡餅晚覺飢餓。若是三世心不可得。與我

一箇。

俱胝一指

對柳背花更構堂。風流獨自弄春光。一壺美酒
天然別。只是無人容易嘗。

慈明榜

東土西天無此字。忽然挂在子雲廬。晉時誤落
羲之手。竟作楷書與草書。

乾峰三種病

紅顏明鏡裏桃李媚青春借問可憐色爲誰掌上新

送人

昨夜秋風北雁來南中雨色亦悲哉正知口業實難免使爾袈裟裹草鞋

又

邪師蜂起競南方蕩蕩業風豈易當只要腳跟親點地從來拄杖不爭長

又

有那一句沒來由好和秋風挂杖頭放不下分擔取去海南何處二名州

臨書板

銀河倒瀉水晶盤宛轉龍蛇競筆端雲雨收時重回首芙蓉雪色掌中寒

寄懷萬年衆

四七二三教與禪一朝錯被別人傳汗衫有臭

我何怪薄粥賑貧實可憐。只恐秋聲頻浙瀝。不妨月色故嬋娟。果然道火便燒口。早擬作書謝。萬年。

送庸禪人見蘭山禪師

海西有古佛。愛跨三腳驢。喫顛發一笑。爭換白牛車。雖收影山中。大千以爲廬。衲子數十輩。不辱爲其徒。爾來求一語。貧道囊無餘。日日復夜夜。勤到忘骸軀。黃檗棒頭短。痛痒及大愚。堪笑

小厮兒。從來膽氣麤。秋風吹蒲葉。江月照芙蓉。端知卻回日。無由捋虎鬚。

將赴豫州阻雨

買船幾日苦風波。上陸又愁春雨多。莫怪老無修行力。天晴方好下巖阿。

仲秋

江西商略別風流。獨自點頭又上樓。天際蟾蜍晴印水。樹間蟋蟀故鳴秋。

又

江西雖解ス翫ヲ爭ヲ似シ今宵明ニ縱ニ使寒山在ル話頭未ダ
十成ト

觸髅亭

一箇觸髅覆大千。天堂地獄正淒然。依テ文解ス義ヲ
音尊者認賊為兒。馮濟川。

十六羅漢開光

台嶺煙霞畫裏開。應真二八笑哈哈。雖然モ一日ト

四天下。顛蹶門前下馬臺。

示衆

大家無物當思惟。悟徹卻將七日期。莫怪我儂
今老矣。要ス看ト黃鳥轉花枝。

又

聞說俗人惜寸陰。為僧況復在叢林。毫芒隔處
天為地。一念覺時鐵即金。初祖九年唯面壁。世
尊三七殊沈吟。寧ニ言フ子面如吾面。大道從來貴。

赤心。

太室禪師住戒壇院掘地得開祖鑑真和尚石浮圖四衆歡喜余亦作偈呈之

一片浮圖五字分護鶯守蠟太慙慙可憐業識茫茫者欲就庸人說下文。

送迪禪人歸鄉禪人患眼

一目盲來知幾時孤筇暗地探宗師霜楓半染家山色喜爾不呈舊面皮。

春夜賦梅花

雪後山中獨倚欄月清梅影帶餘寒曾從驛使分春色終使香風有兩般。

無傳尼夢月中已字自以己月號其庵乞偈

月中已字夢中明五十年來摸不成剛被樗公題半偈紙窗竹屋得閒名。

不說禪人因事告別

老婆勘破有來由。此去臺山問趙州。不是老僧
三寸密。明明在。儻脚尖頭。

酬閒雲主人

卻物求閒。閒卽物不求。不卻也何閒。誰人守得
閒閒地。飽對閒雲亭上閒。

簡提道友

路去金城七里餘。蓮華峰北結茅廬。請君八月
十三四。及見琵琶湖。涵太虛。

書懷

澗戶山窓雪未晴。一枝楊柳恨初生。不知何日
青青色。留與春風解此情。

玲禪人還鎮西省。仙厓禪師因述千光祖
師高蹤。以爲向道指南。

日本黃龍古道場。松關十里鬱青蒼。興禪編就
上天子。建寺功成護洛陽。但爲苦心求大法。果
知慈眼放千光。鎮西今有後身。在莫把頭顱論。

短長。

七月朔將辭慧林留別天倪和尚依夢窓

國師起來行韻

歸來行歸來行。秋風起兮木葉輕。恰遇臨濟辭
黃檗。寧期翠巖眉毛生。未有長行而不住。到頭
忘卻來時路。萬仞芙蓉當軒開。千里笛川激巖
怒。未有長住而不行。彩雲曉開雜華城。月明猶
照心池上。借問誰人夢初驚。歸來行歸來行老

懶錯得荔枝名。從茲腳頭不點地。坐看佛法就
頽傾。衆生無邊誓願度。賴有宗師協物情。去年
慧日增德價。今歲慧林放光明。烏藤無由隨高
步。不知以何作公憑。莫謂鼻孔稍相似。爭免二
滿與三平。歸來行歸來行。青山面面白雲橫。

浴鎌崎溫泉

瑠璃岸畔涌溫泉。日夜滔滔不記年。擬向醫王
謝靈驗。方書已被別人傳。

答古堂禪師見寄

勃窣生涯與世疎。誅茅斜架數椽廬。看雲儘慣裁新句。對月無心讀古書。不遣煙霞成痼疾。還憐風雨自湛如。嶺南又見梅花發。應附寒鴻問起居。

月船禪師八十初度謹奉賀偈

曇華一自發芬芳。滿面領春倚石牀。欲把虛空當壽算。眉毛聊得數莖長。

送遠禪人再見萬年

一千七百舊公案。餞爾捲衣見萬年。到日不妨都舉著。但除百丈再參緣。

大智禪師寄道人一偈折作四首以消息

榮上人住菴

志慕竺乾林下坐。更無一法可擔荷。青梧初墮補荷衣。紫芋僅餐向糞火。人間百事已忘懷。一片青山骨可埋。曾向大梅

移舍去。又呼孤杖望雲崖。
山中有箇安禪石。苔髮離泉纔數尺。日伴閒雲
坐。且眠。偶然開眼千峰碧。
來折松枝拂綠苔。龍池雲接虎巖開。更憐五六
千竿竹。往日老僧手自栽。

買舟浪華夜泊蘆津須臾得風解纜

孤舟夜入蘆花宿。五兩得風解纜速。積水長天
不見山。席帆一片與雲逐。

登羅漢寺禮十六應真

鷲峯明月赤城霞。縱履經行坐結跏。回首人天
無所應。齋時又欲赴誰家。

寄閒雲和尚嵯峨幽居

聞說嵯峨山水幽。與來春日與誰遊。遙知舐筆
晴窗下。應笑支師泥沃州。

住庵

數椽臨水架。聊有古人風。修行已無力。看經亦

忘歸集卷一
失宗色蕉聽雨冷楓樹照秋紅。未見荔支熟。何當與素公。

禮千先祖師塔

兩度三回入大唐。破鞋枯杖放千光。扶桑國裏無人肯贏得白頭恁麼長。

因事下山

十年風雨一朝閒。七尺烏藤四海閒。今日不知明日事。亮公未必在西山。

觀棋

欲看黑白未分時。夜雨青燈閒下棋。一著無端成歷劫。通身白汗謾思惟。

解制日與衆同下妙峯頂

有有有有。一句子。兩點眉毛有也。否。關字莫錯。學韶陽。翠巖說話豈如此。今古叢林事不閒。東奔西走復胡顏。今朝妙峯孤頂寺。明日不知何地山。摘楊花。摘楊花。切忌草鞋裏袈裟待我贈。

忘路集卷一
一
爾送行辭。錫跨門涉。思惟涉。思惟被人笑。兼身不覺混邪師。

足利聖廟

儒釋當年執異端。徒然陸地起波瀾。我將據款結公案。無奈三冬雪後寒。

冬夜

此夜洞山伎已窮。強將一物立宗功。無端掇退菓盤太。罪過重生動用中。

歲除

師時在龍泉

滿堂七十有餘員。窮餓相煎逼暮年。瓦鉢拈來三折米。空囊探出半文錢。者般標格竟何爲。別有生涯亦可憐。紙帳夢回燈影瘦。蓮華露滴漏聲傳。強將鳳背與麟角。用和白牛薦北禪。牙頰豈能無習氣。年朝一掬嗽龍泉。

物先禪師至喜賦

別後十年一見難。相逢何事絕言端。且知彼彼

忘路集卷上
彌天罪。同對春風花柳寒。

春日聽雨

簷前滴滴轉淒然。問著鏡清墮耳邊。慚愧曉來多少客。落花啼鳥伴春眠。

送物先禪師

瀟湘江上草離離。雨歇夏雲送子規。堪笑病餘無定力。藕絲爭得繫須彌。

示眼侍者

弱冠初入室。時取軍持呈富貴。非吾願。文藻損。爾生曾聞圓枕事。寧辱方袍名。賴有翳睛術。莫令佛日傾。

夢富嶽

芙蓉雪色夢中看。六月炎天覺後寒。寤寐從來無隔礙。開簾凝望倚欄干。

題有麼庵

趙州所問又何難。兩處拳頭不一般。好是春風

忘路集卷一
祖園色。梅花紅白插瓶看。

喜興禪和尚至

長夏鹿園午睡濃。忽驚寶蓋見玲瓏。柴門寧可
勞彈指。石室應知似解空。擬汲井花充甘露。何
妨竹密引清風。相看不敢容毫髮。卻道明朝又
向東。

謝山中氏贈法衣

雞足曹溪擔半肩。更無一縷與人傳。山僧斜挂

西川錦。新自使君五馬邊。

送規禪人之海南

山東風雨海南秋。一筆縱橫紙上收。到日豫章
城畔看。不知誰在釣魚舟。

和密禪人偈促其遊方

衣珠依舊照人眸。袖裏金鎚不可投。把箇平常
君試看。將他屎橛我何酬。青燈夜雨多閒夢。白
髮清霜對暮秋。寧有雲山遮足跡。躊躇還作一

身愁。

示閣舒二禪人庵居

二庵主各豎拳頭。一句更無酬。趙州優劣分明。如日月。莫將菜葉附溪流。

題慧林壁

聞說甲中冬不寒。暮春三月雪猶殘。籃輿明日鎌臺寺。兀坐南窻睡始安。

送淳禪人之奧州

東北天開五十郡。金華松島海煙分。初相見。句送行。句不待。再來舉似君。

謹奉月船禪師塔下偈七首

空山一片石浮圖。門鎖薜蘿落日孤。右遶忽聽杜鵑語。真容已被爾模糊。

青松翠竹白雲閒。三十七年不下山。一握吹毛呈笑裏。敢將容易斬癡頑。

毒淫深處鎖朦朧。結作瘴煙散作風。纔下紫時

忘歸集卷一
五
優絕叫武溪不與砒霜同。

曾無見解超過人。因甚平生不脫巾。一十三年
如一日相逢堂上笑重新。

不學南方知識禪。又無正法滅驢邊。分明更有
彌天罪窮餓相煎。八十年。

跌坐經行似不曾。呵風罵雨被人憎。盧公已奪
衣盂。笑倒黃梅七百僧。

前溪北矣後溪南。一束茅茨結作菴。不啻孤峯

呵佛祖。踢翻圓覺活伽藍。

題奧州富士

誰自駿陽移得來。芙蓉千仞望中開。朝霏夕靄
都相似。落魄西行首屢回。

九月十三夜長松寺與物先禪師翫月蓋

余三回登此山

湖海多相識。吾兄最舊盟。一朝知定業。三到愧
閒名。月上長松秀。風來古磻鳴。悠悠分榻處。寧

擬管家情。

山居

從遭佛祖憎。甘爲飢寒僧。日短減松食。月昇滅紙燈。客來常促席。坐久同曲肱。無一補叢社。不妨百不能。

余曾與物先竺源二禪師題偈于歸一軒。壁間今日再遊。屈指向二十年。夏贅一偈。僧問趙州歸一話。三人三頌各顛顛。再遊今日。

爲君斷優劣。親疎子細看。

法華塔銘

八會七軸。妙法蓮華。桑田滄海。綠艸紅霞。煩他長者。出虵蛇家。聚石寫字。數車無車。咄哉普賢。象弄六牙。

上巳

細雨春風三月三。見桃題偈對煙嵐。就中有此諠訛處。寄與靈雲暗地探。

牛欄

豫之大乘寺

曾自仰山騎半邊春風檻外艸如煙不妨東觸
還西觸鼻索從來一貫穿

和兀菴禪師油糍韻

白糍何似油糍甘驀口平吞一二三德嶠當年
難下嘴此心擬向那邊參

登磐臺寺

我欲此山結此因三登一望眼生塵秋寒讚豫

海南色不是大悲救世人

經有田

紀州

日暖海南橘柚香不知顆顆為誰黃可憐摘葉
尋枝客猶說滿山一夜霜

寬政丁巳秋登興國讀法燈國師題蘆雁

偈曰心心即是佛佛即是心心佛如如亘古

亘今因有賦

佛即是心心即佛麤茶淡飯飽傻休無端自錯

忘路集卷一
題蘆雁。不免聲聲又報秋。

遊呼猿亭有竺源禪師題偈次韻

慧理當年遊鷲峯。飛來風雨自靈蹤。老僧不是呼猿客。坐見薜蘿掛古松。

環碧亭

觀福寺

青黃時見有春秋。江上四山當戶幽。右繞何妨三匝太。老僧終日坐牀頭。

題那智瀑布

瀑布青天三道分。望來仰面坐山雲。雖然打濕袈裟角。眼處何爲耳處聞。

物先禪師問疾有偈次韻

病後怯寒孤獨身。烏薪燒盡轉艱辛。北風一夜頻吹雪。驚起法身罵色身。

避暑

拂暑薰風涼氣生。寫天悟處轉關情。不知諸佛出身處。卻見東山水上行。

雨中鳳山雅禪人來訪有作次韻

蹒跚雨脚暗，山城笑倒昔。年老鏡清剛，使衆生迷自己。不將佛法當人情，纔聞眼裏在門外。況動舌端隔路程，應是碧雲窺妙偈。簷前滴滴作金聲。

送韶禪人辭某院還舊棲

院之大小衆，多寡往往有人側耳聞。將謂更無高尚者，常公又入大梅雲。

陀公江亭阻雨

鄂渚湖邊雨作秋，過牌不挂水空流。行人落日頻招手，老倒叢公橫點頭。

題平氏江樓

獨坐江樓對暮潮，釣魚歌罷櫓聲遙。華亭昔日多慚愧，萬里清風送一橈。

讀金剛經

古佛聞如是，解空爭得論。無端叫希有，卽起禮。

世尊到頭三十二分分三世冤。秋寒舍衛國。雨暗給孤園。無地容懺悔。欲重說偈言。

解制示衆

翠巖不惜一雙眉。拈出有餘分。付誰兩兩三三。兄與弟得。便宜是落。便宜。

六堪和尚往日以衣盂見附託。余今授與。正典禪人作偈證之。

一句臨行付屬親。不妨沒後得其人。浮山錯就。

大陽錯。白雪滿庭梅漏春。

桃源主盟請湛堂和尚評唱碧巖集因賦呈

乳竇茫茫眼裏塵。夾山拂盡重乖真。桃源春色無今古。笑倒武陵迷路人。

示祇侍者

侍吾左右聽吾言。會取卻爲宿世冤。因憶香林紙衣苦。子孫動欲罵雲門。

甲子雨安居與達源長老同過夏兩處臨
岐賦此留別

兄弟九旬兩處過飲光槌擯果如何朝來忽作
東西別那箇文殊恨最多

俊喚二禪人因事下山

此行不為別人太相送出門叫子規吾道從來
關係重難兄難弟共扶持

賀面山座原執拂

關之一字果如何直借雲門跛腳過萬丈紅旗
飛閃電回頭轉腦隔山河

題古梁和尚叢林貫華集

春滿仙臺興未闌花花相映玉欄干大家莫錯
供微笑恐作飲光敗闕看

貫華集脫稿

今古仙凡路不遐洞門春色照山家神州五葉
芬芳後日本誰知有此花

送志山座原禮受業師塔

受業之師化已遷不知何處又隨緣山中五月
雨晴夕莫效騷人聞杜鵑

戊辰夏移居鹿門西岡以生理題室蓋據
大鑑禪師耳聾三日僂生理之句

已自生理太是誰喚起來雖然全露出問著僂
迂回西北諸峯秀東南巨海開只應遊此地莫
步我青苔

辭衆

寶所從來無遠近世尊日午打三夏因行不是
揚家醜莫怪清風步步生

留別清蔭前版

欲移茅舍莫相猜不擬常公下大梅卻怪躊躇
頻惜別孤雲未去月明來

般若松

千歲蔭涼抽一枝後人標榜夏期誰由來無意

談般若，似罵狂風自在吹。

有禪者來問鏡清子，母啐啄意，偈以答之。
分明古佛有家風，一一向西不問東。若是鏡清
重說破，妙玄獨腳是誰通。

己巳春紹禪人將赴長安臨別索語卒書

一偈以送行

古之天地今天地，日月照臨自古今。今古聖賢
作此觀，今人何負古人心。紹禪紹禪信，余言放

下全身，達本根。好太長安花競發，紅黃何似武
陵源。元亨已還扶桑禪，往往錯作口耳傳。明日
歸來當頭喝，老僧不惜懶嗔拳。

送琳戒二禪人之九州

高僧七百餘，黃梅能教誨。盧老不識字，忍公容
蹈碓。題壁只五言，得法正六代。吾道無古今，汝
等慎進退。若是要衣盂，時中到處在。行行復行
行，春寒宜自愛。

大井川阻雨

四川水急渡來難。兩岸行人斫額看。黃檗何訶淨笠客。滔滔又是鼓波瀾。

九月十三夜

師時在相國

蕭寺鐘沈暮色催。玉簫吹起鳳凰臺。京城明月管家恨。一夜清風拂又來。

頌泰源禪師雅號以賀住山

太平時節買山住。一脈清泉架竹通。應是安眠

高卧處。爐頭終日聽松風。

圓相

為拙菴座原

一圓相中本來無物等閒探出。祖祖佛佛嶽雪玲瓏。泉源盛沸。唯有仰山得他彷彿。咦。祖翁欲覓箇青天。鎌子當年地上掘。

等持禪院曾火庚午春就功運院舉唱開

山國師語錄謾打拙偈祈再建

此山曾有祝融災。大小殿堂總作灰。興建何勞

斤斧力。一莖艸上現樓臺。

辭職于相國歸山東舊棲

去年秋八月擔錫入長安。長安分五岳處處隔層巒。天皇歸依寺乃祖法寶壇衆望不可逃。妄說太無端屢報斷臂話誰人腰雪寒。今歲春三月擔錫出長安。長安花競開胡爲不堪看。金佛與木佛相看淚欄干。眇然搔白首悠悠行路難。東道北道千山萬水宿宿四十有八。始歸舊牛

欄。傻炊黍米飯。與三三子餐。拄杖汗未歇。草鞋泥未乾。懶寄書諸友。不敢自顛顛。憑君煩一語。應作如是觀。

過金澤泥牛庵

慚愧初年見觀河賦。再遊已知金澤水。猶似洞庭秋月落泥牛。吼潮來漁火流。渡牌如有待。無口罵巖頭。

呈典海上人 三首

忘路集卷一
橫擔柳樑拂春風。不爲看花謁遠公。須效慈尊垂手切。勞生多墮鐵圍中。

百八摩尼六字名。聲聲念念佛心成。金蓮露滴光明土。珠樹風清極樂城。

禪者從來膽氣麤。葡萄棚上著葫蘆。果然吞却彌陀佛。吐出西天碧眼胡。

壬申春構小亭補陀山之北。扁曰忘路。蓋取語寒山。示意來者也。寒山子曰。十年歸

文化九年 1812
山

不得忘卻來時道。古人又曰。心境俱忘。又是何物。夫忘有世閒出世之殊。心外見境。境外見心。而心境俱忘。所謂世閒之忘也。心外無境。境外無心。而心境俱忘。所謂出世閒之忘也。是則所以忘有世閒出世之殊也。其爲亭也。一梁四柱。方不過丈。其爲境也。一見便見。無隱乎爾。於是便嘆曰。善哉。二師之言。能使後之來者。心境俱忘矣。

忘路難尋
已是心境俱忘忽有人問忘路亭如何祇
對予時磨墨染筆謾題一偈曰
倒把枯腸抖擻時懷中無物當思惟果然失卻
來歸跡禿髮寒山迷兩岐

送穩禪人

齡逼古稀懶亦窮更無心力補宗功倩人寫字
知盧老送客過橋笑遠公春雨初消六歲雪桃
花纔綻今年紅狂歌聊贈穩禪者到處與誰密

密通

立秋

師時應天
龍請西上

風入梧桐正報秋鳴蟬落日暑雲收長安大道
平如掌多少行人認路頭

宿見性寺

直指人心見性僧果然成佛卻冤憎夜來話及
嵩庭雪忽有前峯明月昇

曉發熱田

忘路集卷一
曉發貪程客。渡頭急喚舟。江風吹面冷。沙鳥背人浮。似待華亭月。坐憐桑海秋。釣竿猶未動。金鱗早上鉤。

禮石山觀音

菩薩慈顏還見麼。雙眸纔動隔山河。太湖三萬六千頃。無奈須臾變態多。

禮桂洲和尚塔

靈蹤元自有。來由含旭亭。空暮色愁。因憶兩堂

賓主話。與君一喝謾相酬。

在龜山一夕聞鹿鳴示因禪人

自愧老爲多病身。工夫不似古人親。綿綿瓜瓞今將絕。莫怪鹿鳴入夜頻。

除夜示衆

論這不遷早受瞞。無錐無地太無端。明朝更舉年頭話。換得天龍一指看。

謝鷓禪人惠銅印

古篆從來不苟欺。敢將雕琢墮今時。方知點鐵作金底。印水印空也太奇。

登洛西善峯寺

躑躅花開啼子規。西山四月雨晴時。圓通門戶無遮障。說著觀音總不知。

訪文覺惟山座原

文覺開基寺。春秋七百年。何時曾改教。今日正興禪山。自稱天柱人。親續祖傳。老僧知子久。兩

梅尾
了山

宿打安眠

覺應寺厨庫再建

厨庫新成復舊規。人天齊立展雙眉。寧施摩詰搏香手。蘿月松風充一時。

過天寧寺

丹波丹後兩州山。徃徃古人此鎖關。吾亦有心藏醜拙。不知何處白雲閒。

超姪贈梅

忘路集卷上
剪竹盛冰。挿梅凝妝。只辨風色。何勞清香。君不見吹起少林。無孔笛。祖意分明。明明歷歷。轉入他家。別調來。音韻兮寥寥。寂寂堪笑。太原字上座。畫角一聲。閒夢破。

智恩寺

六里青松一抹。煙靈蹤留在大江邊。文殊辜負無著問。前後三三話謾傳。

惠顯禪人自號印宗侍余左右最久甲戌

初夏轉位正法山嗣法祖能禪師請予號
頌印宗於曹溪爲古今高蹤因頌風幡舊
話以賀轉階

汝是曹溪薙髮師。再來還作老能兒。風幡舊話重拈起也。和此心自在吹。

天龍之闔衆見賀予七十初度偈以申謝
屈指今朝正古稀。龜峯幸許臥幽扉。見人只喚喫茶公。爭解趙州陷虎機。

慈溪居士還鄉臨岐贈以朝鮮斑竹杖戲
附一語充餞

貧家有箇朝鮮竹剪作孤筇三尺餘好去水窮
雲盡處果然擲下舊茅廬。

椿禪人侍西山禪師久之一日來告曰小
師有骨肉法兄養親於鄉頃得病不起將
欲速歸省予爲偈贈之

馬祖下有亮座主俄然拂袖入西山
西山山西山

深無路凡兮聖兮不可攀將謂杳杳絕蹤跡忽
焉突出老亮公今爲上座于南禪力興江西已
墜風椿禪汝親爲侍者不識布毛誰吹下賴有
師兄養親在鄉社何圖捨親入黃泉不入黃泉
莫錯被亮公呵罵恨愴奔喪出長安霜葉何處
秋不寒。

賀月礪和尚任僧司

本自名山天子詔轉從相國手中來百花競映

紫袍色總在黃金地上開。

雪後過好松軒

剡溪舟不見，興盡有餘情。
殘雪非思約，好松新得名。
供余香積飯，令汝菩提成。
更解齊腰恨，窺窗寒月晴。

題長養軒示祇禪人

山不遠兮水不近，山水悠悠人寂寂。
誰將長養把題軒，暮雨朝雲宜自適。

登金剛證寺

衣鉢曾遊寺，重來似隔生。
人間花已謝，山上雪初晴。
不聽春禽囀，時聞梵唄聲。
老僧年八十，見客揖相迎。

聞一山和尚戢化

曾擇善知識，南遊二十年。
進橫身虎口，退寄跡龍眠。
怒罵非時食，彈呵無事禪。
俄然攜隻履，一喝滅驢邊。
嗔將謂臨行三寸密，一聲鶯語錯流。

傳。

春盡

九十春光今日盡，祖禪佛教轉紛紛。鳥啼花落園林晚，不與時人屬見聞。

五日

五日汨羅水，年年觀激瀾。江湖賞音絕，天地楚辭殘。已耐英雄漢，猶為醒醉嘆。誰知禪者意，獨對暮雲寒。

端午浮舟堰水，遂登大悲閣古海座原後，至有偈步韻。

五日掉流處，逆風自在吹。為憐楚客恨，謾賦獨醒詩。上岸攀微徑，燒香禮大悲。望君君不見，坐對夕陽時。

題獅子巖

妙智院

知是金毛窟裏來，鬚髭苔髮擁崔嵬。等閒一吼驚天地，又使文殊下五臺。

雪月梅花圖

雪裏梅花月裏開。寒庭一夜絕纖埃。分明祖意無人會。時有香風漏泄來。

乙亥仲秋予將東歸在六完道二居士來送惠以白黑二顆石作偈謝之

方方總是絕些瑕。素質分明欺雪花。鈍削無端消箇字。一雙過雁映天斜。

黑漆崑崙徹底清。昏昏處卻明明。只因一點

無遮障。依舊山川天日晴。

定家卿曾避世亂。隱洛西小倉山。卽今厭離菴是也。有松軒柳井。尙存甲戌冬一日赴齋賦以示惠鑑尼。

黃門能國詠。字句有人編。叵耐松軒月。照開柳井泉。今爲鐵磨寺。參得大滄禪。未舉臺山話。放身只麼眠。

題海眼閣

在奧之瑞鳳寺

忘路集卷
萬里波濤一目收。更無涓滴潑吟眸。東湖南矣
西湖北果見百川漫倒流。

登兜率山寓雲津東堂

仰山曾一睡。兜率夢猶殘。免出善財跡。卻遭彌
勒瞞。深雲人不見。多雨夏生寒。非再遊天上。爭
知世外寬。

送朴禪人歸長崎

二十年兮無所得。春風裁作送行辭。瓊陽若見

神州客。爲道海東有此兒。

和彖石居士韻

多病無心推木枕。空床慚愧餘枯骨。向來偶讀
幽人詩。林下野僧獨嘯月。

衡嶽有瓚。西山有亮。無住爲住。無隱爲隱。
主敬道人。誅茅隱山。是則二公寶杖所親
蹤跡也。因名山曰西山。題庵以牛糞。若夫
牛糞爐頭待芋子。熟則三生六十劫。直饒

忘路集卷一
直下回首太杳無消息。未免背後有熊秀
才。咄更打一偈爲證。

衡嶽西山無兩岐。白雲明月儘相宜。如今又見
敬禪者。寒涕交頤芋熟時。

七夕

銀漢爲誰雨始晴。人間謾說二星情。吾曹無意
探機石。空捻吟髭對月明。

忘路亭卽事

山亭一望夕陽前。白鷺亂飛落水田。忘路主人
彈舌笑。村村無處不炊煙。

寄懷勢州諸居士

身老心孤思故人。故人何處海南濱。雖然見解
無些隔。山水悠悠入夢頻。

夜話

龍潭吹滅後。五祖謾挑來。何必學三佛。對談走
怒雷。

九日喜拙庵座原至

三玄三要好商量。此日道人來遠方。將謂明明曾說破。滿庭黃菊負汾陽。

賀大徹堂再建

曾將大徹以題堂。一柱一梁解放光。不問南方善知識。百千童子坐孤床。

雪中偶成

三首

僧分三等古今同。少室滿庭血未紅。借問神光

何處太青山變作白頭翁

朔吹天寒憶少林。老胡容易錯安心。朝來不顧庵前雪。埋得何人一臂深。

夜冷癡雲凝不飛。曉來雨雪正霏霏。巖頭未肯雪峯語。借問誰人興盡歸。

題望瀛亭

主人幸得此歸休。亭對總房二水流。本自仙凡無定跡。求心歇處卽瀛洲。

無盡居士落髮

張公會自號無盡。後七百年有此人。兜率從來
沒巴鼻。巖頭密啓又重新。

智全尼告別作偈示之

正眼下專要坐禪。蒲團上學脇尊者。一錫秋風
雖在途。二六時中如在舍。

仲秋十三夜小集示無盡古月二居士

人閒苦殘熱。借爾清涼國。纔擬向西東。早是隔

南北。待我移胡床。相共談通塞。依倚銀河影。髣
髴明月色。莫嘗寒山澁。寧待江西側。君不見。瀟
灑政黃牛。木盆幽情極。一椀橘皮湯。被他匿笑
傲。然自得。此夕忘路亭。不敢事文墨。一嘯倚欄
干。安使藥山識。

鹿山出世之諸禪哲領 台帖歸山余聊

設茶儀致賀因賦呈

奉帖諸禪各賜歸。家山風月定光輝。昨來招請

期今日無奈逐花黃鳥飛。

文政己卯閏四月請福鹿兩山之清衆聚
會寶林精舍期三旬提唱武溪集爲蕉堅
老人忌齋開筵日聊頌長偈以供一堂
睡

閏年餘得閒日月一莖艸上開法窟福鹿兩山
頭角僧無端狹路相搪揆解道武溪多毒淫玉
笛一聲入雲深馬氏袁生非吾友無音韻處誰

知音須知此閒出三傑點金分明化作鐵會則
會若其未然引錐股上各自決

中道和尚訪弊廬有偈次韻

邂逅途中笑解顏無言相引便歸山夜來好雨
能留錫嶺上懶雲更鎖關坐煎新茶供舊識誰
知仙液異人間今朝有偈題亭子吟倚幽窻興
自閒

爰石居士投嵯峨舊栖有偈自述苦樂之

意次韻

苦樂頓忘是何物。山雲溪月話方新。明年吾亦賦西上。朝暮來參慰病身。

題宜白居士松蔭廬

新齋卜近野僧山。雲月與分些子閒。更有松根茯苓大。滄將不老傲人閒。

己卯九月初三以諸角道甫所贈美玉一
眼音顆奉獻萬年祖塔賦一偈充拈香

非珠非璧本無價。古往今來照暗寒。龍女獻分
初祖辨鹿山拈出與人看。

敬禪人在鹿山日久今轉位前堂因賀之
初相見在洛西寺路入嵯峨謾蹀跟。何料瑞峯
鐘動處又看靈樹接雲門。

人日與印禪人問答罷賦示之

人日山中天氣晴。菜羹隨俗可憐生。餘寒纔有
紅梅笑。殘雪未聞黃鳥聲。便把蒲團移暖處。又

因閒事長無明。老僧說話略如是。不敢一辭擬道情。

謝惠硯

丹山硯石白絲紋。不墮欵端碌碌羣。賴有曹源涓滴在。瀉來幾日起雲煙。

團扇

明月印秋水。白雲翔碧空。誰知風起處。不在動搖中。

杖拂香爐畫

應完道居士需

拄杖拂子斜靠。東壁香煙熾然。無人面壁。

詠風鈴

命根未斷一絲懸。有口恁麼不向天。將謂平生三寸密。隨風漏泄祖師禪。

蟬

清露僅爲命。微陰聊作居。聲聲秋已至。復恐梧桐疎。

牛

頭角崢嶸鼻遼天。仰山拽出瀉山前。渾家不放
桃林野。捉得那邊失這邊。

龜畫

骨覆皮肉。汝何奇怪。爲誇長生。錯入圖畫。

又

千年靈龜。將骨裹皮。孤負衆生。幸遇大隋。

蜘蛛

絲絲巧織就。衆目自天然。生界皆消盡。橫身空
裏眠。

對蓮池口號 三首

蓮花復荷葉。朝雨小池寒。舊話甘於蜜。昔人唇
未乾。

翠筆書空勢。綠盆擎雨來。似欺千點雪。一笑波
閒開。

如蓮花在水。佛意果知不。出沒淤泥裏。悠悠何

日休カシ

忘路集卷下

忘路集卷上 采日自天然 主界習常流 妙覺空

淡影出口 二首

忘路集卷下

侍者 某編

偶成

遠近山兮迦葉面 高低水矣阿難眉 秋天曠野
行人絕馬首東來知是誰

又

春晚山中無客過 飛花啼鳥附蹉跎 老僧終日
焚香坐佛法 興衰果若何

忘路集卷下

又

趙州頭上青灰滿。弘覺口邊白醜生。將謂老無
行脚意。江西風雨尚多情。

又

八字依然無兩ノ。還添之繞謾模糊。登樓試倚
欄干看。亦是平沙落雁圖。

又

庵前梅子熟初黃。卽佛卽心太諦當。何事夜來

門外雨。和風吹倒薜蘿墻。

又

一陣薰風來自南。微涼殿閣好清談。東山水上
行閒話。不免與君復再三。

又

孤燈明滅五更夢。古篆橫斜一室煙。堪笑堪悲
先聖記。西天東土錯流傳。

又

虛名幸免落江湖。臥青山老守株。借問常公池上月。不知弔影爲誰孤。

又

黃頭與碧眼。白日對青山。咄咄傳燈祖。管中見一斑。

臨濟錄開卷

大愚肋下長無明。黃檗棒頭失眼睛。太公來來沒巴鼻。一奉錯得打爺名。

次韻夢窓錄開卷

不可形兮不可名。擊之有響聽無聲。國師誤露些巴鼻。卻被七朝穿眼睛。

武夷集開卷

乳峯太後有虛堂。五百年來絕舉揚。今日武夷初脫稿。張三李四謾商量。

光明藏開卷

傳燈千七百。知識跳出曇公筆。上來堪笑少林

忘路集卷下
未歸客。光明藏裏舞。二臺。

大應錄開卷

仙凡咫尺路難分。萬丈雙峯半入雲。古德明明曾說與。渾家穿卻耳根聞。

祖英集開卷

洞庭誰作畫圖看。七十二峯八月寒。更把芙蓉重指出。又令盧老倚欄干。

六祖壇經開筵

負春行者不知字。借手別人題壁間。謾道本來無一物。果然腰石重如山。

又師時在武
之兜率山

下下人有上上機。曹溪偷得少林衣。兜率山中秋風起。天下初見一葉飛。

碧巖集講了打拙偈四首以充解制佛事
三條椽下一蒲團。跌坐結跏子細看。今日何期明日事。話頭百則果難瞞。

話頭百則果難瞞。昨夜秋風起。樹端破戒比丘。多少子。分明說與入涅槃。

分明說與入涅槃。林下誰人睡始安。不是胸中藏五逆。鐵丸喫卻幾千般。

鐵丸喫卻幾千般。吞吐口邊血未乾。莫怪頑然空對月。無心覓句倚欄干。

大慧武庫開卷

師時應請豆州延命寺

無端勘破勤巴子。卻被人呼呆罵天。讚不及兮

毀不及。衡陽梅陽轉。淒然。

又

我王庫內無是刀。死孔明走生仲達。堪笑堪悲。十三人。髑髏銷盡。眼睛瞎。

武庫至于。一喝五教之章講畢。

一喝入他。五教來無端。露柱叫懷胎。大家莫錯。諸方舉。恐使淨因笑滿腮。

歲首

佛事門中已領春。祖師心印爲誰新。庭前東指還西指。不是對花如夢人。

又

一喝春回賓主分。卽從座起祝東君。祖園更有新條在。依舊布衫重七斤。

又

一堂僅是千餘指。箇箇同迎萬歲春。茶熟爐頭思趙老。無賓主話付誰人。

又

路入嵯峨已九旬。東君幸送太平春。北堂百歲僅欠一。我亦斑衣舞戲人。

次韻淡海座原歲首

汝是吾山新座原。一雙眼目空乾坤。吹毛急急須磨太。羣鹿競臨乃祖園。

退耕

此子知機不肯前。家風只在饅頭邊。種麻得粟

尋常事。石上開田別有傳。

書蘊

等閒蓋覆卻明明。十二時中狀不成。倒把須彌
納芥裏。任他日午打三更。

天齡

混沌纔分日月懸。無私德澤付誰邊。有時聞鶴
鳴松頂。白髮山僧不記年。

戒門

我有波羅提木叉。一超直入絕開遮。可憐戶外
護鶩者。把手牽來不到家。

觀峯

滅卻心頭君自看。須彌山上起波瀾。善財何必
迷孤頂。終遭別處德雲瞞。

佛生日

春晚山中叫子規。江南芳艸雨如絲。雲門醉後
三盞酒。謾弄棒頭誑小兒。

又

死生有命毘藍園。母子分明宿世冤。一杓香湯難雪屈。無慚愧漢又何論。

又

與狗子喫狗不食。幾回打殺幾回蘇。朝來喚起重相見。莫是韶陽腕力麤。

佛成道

挂在壁間底墨畫。瞿曇立定地上底。肉身釋迦

轉轆轤活鱗鱗。眉間光明照山河。喚梅自南枝綻雪。向北地多。

又

是日雷鳴

臥榻豈容他。鼾睡奇哉舊話有。難易疾風暴雨裂天雷。五逆兒孫長一智。

又

清香暗動雪中梅。曾入南人笛裏來。將謂羅浮猶作夢。剡溪興盡客舟回。

又

臘天八夜甚多情。坐自初夏到五夏。一切衆生兼國土。悉皆成佛長無明。

佛涅槃

行路艱難山又水。人從鳥道涉羊腸。望迷黯黯青青裏。萬里嘶鴻惹恨長。

又

時將過兮我將滅。二月春風別恨頻。不有波旬

供一笑。雙林樹下更無人。

又

一夜雙林月缺輪。風前未見舉哀人。西家忽有笙歌起。不是波旬舞袖新。

又

園林昨日今日。鷓鴣一聲兩聲。不是脫空謾語。果然瓦釜雷鳴。

又

南人笛裏梅花落。二月春風誰惜別。此調不收遺教經。摩竭陀國作虛設。

達磨忌

落木蕭蕭下祖園。初知分髓卻為冤。渾家勿噎舉哀淚。缺齒胡僧未出門。

又

所得分明無所得。髓皮骨肉果慚惶。南山雲矣北山雨。力疾老來事轉忙。

又

昨日強登高野山。故敲阿字不生關。忽然突出金剛眼。換得胡僧隻履還。

佛光忌

師時在紀之興國

龍淵贈爾竹篋子。還到鷺峯話未親。幸免太元三尺劍。熱瞞日本一州人。

次韻大應國師五百年忌

不出扶桑不入唐。當頭逢著老虛堂。歸來印破

洞庭月。一夜關山白似霜。

關山國師四百五十年忌

關山會裏無生死。柏樹話頭有賊機。拖桶箠籬多遺恨。滿牀風雨故罪罪。

先師忌

囊中無物。上先師探出江南梅一枝。黃鳥不啼。人不見。清香暗動。月昇時。

次韻正宗大隆禪師二百五十年忌

佛法正宗無物傳。二千餘指一堂禪。老僧齋後開簾坐。風入古松奏萬年。

須山禪師三十三年忌

夏雲白。一隔儀容。二十三春不見蹤。齋罷瓦甌消古篆。何人頻擊午時鐘。

千光祖師六百年忌

論成天下見興禪。忘景今晨六百年。莫謂子孫無大信。千光影裏一燈傳。

以履字為

大石為師
大隆禪師
後子開也
關山為師

佛滿禪師四百五十年忌

自開石室入定其中遺偈日巖

上開一室一坐五百生

曾開石室久藏身今日再來顏似春
話到巖中跌坐處闇闇如笑又如嗔
響不見不見君不見分明不是舊時人

本覺靈照禪師三百五十年忌

初誕之日奉周元通

寶而生

都盧本覺妙明處跳出母胎豎一拳
遠忌茲臨

須辨取周元不是孔方泉

泥牛開山南山和尚五百年忌

無角泥牛變作虎夜來嘯月靠南山
南山溪處多雲霧莫向管中窺一斑

鹿苑院殿四百年忌

足利義滿公受衣鉢絕海相國寺開基

法中禿子俗中王換卻雙眸坐道場
四百年前離別恨眉毛厮結一僧堂

悼別峯和尚

住武之德雲

孤頂德雲跡已疎，別峯相見果如何。室中留得
三衣在，案上更無一卷書。

悼月船禪師

千尺絲綸不得鱗，覆船此夕解翻身。莫言猶挂
一鉤月，空照華亭江上人。

悼遂翁禪師

浮島老人七十三，此行不在覺城南。芙蓉影冷
湘江夢，暮雨朝雲暗自諳。

悼石霜和尚

初住建長後退居肥
之泰長三年而寂

九月秋風向暮時，鳴鴻遙帶夕陽悲。果然只得
三年活，應爲巖頭密啓遲。

悼性堂和尚

君已老成我弱冠，泉南聚會喜相看。訃音今落
江湖耳，金井無聲獨倚欄。

悼禪苗上座

一踢翻身汝是誰，春風原上艸離離。可憐陽廣

山前客不見異苗蕃茂時。

悼禪味侍者

賴有此間一味禪。布毛吹當送行篇。會通不會
鳥窠意。五月山房叫杜鵑。

悼智藏上座

江西明月自陰晴。聚散秋驚兄弟情。將謂南泉
超物外。謾遭智藏奪行程。

鎮州禪師逆修

居龍
眠菴

我有一句子。豆州卽鎮州。吞卻曹溪水。吐爲滹
沱流。推倒觀音殿。化作彌勒樓。擊碎蒼龍骨。活
埋白虎頭。恁麼也不得不恁麼。也不得恁麼不
恁麼。總不得。拈火
把云十二時中生計足。數千年外
道緣周。

爲物先禪師火

將公將來擔取放下。趙州嚴陽。二老早被汝。未
生前罵咄罵。這什麼隻履不敢向西天。天地空

餘一艸舍。

同收骨

遺偈云從來暖氣今將
太莫使閻王傳下知

夜來燒卻太虛空。重撥冷灰付曉風。只為閻王

下知。晚果然舍利見玲瓏。

為法達上座火

昨日曾省受業。今朝速入涅槃。來來路太公路。

火裏蓮帶雪寒。

為滅堂慧生上座火

心生種種法生。心滅種種法滅。馬大師不安。日
面佛。月面佛。江南梅開。花江北天飛雪。生上座。
會則會。其或未。然穿卻耳根。諦聽太舉座臘天。
今日二十有二。我一堂僧入里乞食。

慧節尼逆修

老倒香巖落節時。謾言更不假修治。可憐摘葉
尋枝客。又道分明忘所知。慧節慧節。汝能記取。
得他。傻宜底。還是落。傻宜何故。一莖兩莖。無人

忘路集卷一
會斜斜曲曲被風吹

無染尼逆修

如蓮花在水不染世間塵世尊太饒舌似憎自
色身實道無染大師紅妝二十有三薙髮決志
白髮五十有二掉臂歸真幸免得三從誓不食
五辛善哉解脫爲袈裟咄哉無心作家珍未
未在我有一句子與爾醍醐毒藥瀉下口唇太
拈火把云卻怪寶陀巖上客相逢應笑未歸人

呈大無隱居士逆修

心外無物心內亦然內外路斷逆修順全得一
庵無隱周犀居士向這裏會取死卽是生生卽
是死萬年卽一念一念卽萬年直饒恁麼會太
屎臭氣在口角邊別將佛祖不傳傳一時傳太
拈火把云趙州沙彌見南泉

爲玄海居士火

非心非佛冷如水卽佛卽心青似藍把此方書

縱賣弄不妨江北又江南非佛心院一滴玄海
居士精術于醫慕道於聃名其常名天地萬物
非根非母法何曾法醍醐毒藥不苦不甘金烏
銜青嶂玉兔走碧潭生也七十有四墮他途轍
死也八月十日聽此美談到這裏論什麼谷神
不死說什麼虛無恬澹會則會其或未然我有
還丹一粒點鐵作金的之一句子抖擻屎腸施
呈太要須實語實參拈火把云龍象蹴蹋非驢所堪

釋迦眾主界空六變辭使西歸東
相好全備奈此音聲山河大地鵲噪鴉鳴

出山相

求我出山讚語未見畫中聖容雪山雪後朔風
惡莫向別峯覓古蹤

又

一星落眼天地回春山嶮水急度念何頻

文殊

獅子何太斜擔如意善哉文殊不解人事摘五
臺雲充一時食敢將吾愚以換汝智

觀音

我有痒處全是憑他千手不足也今誰肥

又

耳處眼處佛事不同苔髮穿石雪瀑吼風

地藏

度念歇處衆生界空六環纜動鳴西鳴東

又

每日六道瞞自瞞他歸來卓杖鬼趣轉多

十六羅漢

第一尊者實無神通寶瓶纜擎舍利飛空

梵筴卷盡涉些思惟雙眼秋冷華髮垂垂

摩尼百八前三後三眼見西北意在東南

一片沈水無盡香煙開口猶道薰徹大千

金猊吼空白拂曳地世人不識喚作兒戲

忘路集卷下
至心合掌。爲有斯經。牀下革履。應傾耳聽。
眇眼合口。似叱傍僧。清風明月。又得他憎。
頻頻回顧。剔起雙眉。日將過午。罵獻菓遲。
六環不鳴。猛虎不鳴。我有隻手。豈應浪鳴。
借手兒童。試火爐中。雖無鼻孔。似聞香風。
禪板尺五。時時支頤。不與誠拙。又分付誰。
寸鐵在手。堅握不放。殺佛殺祖。何等和尚。
瓦鉢無底。其重二斤。一指纔點。神龍興雲。

手裏拄杖。動欲他瞞。奇花異艸。誰與爾看。
梵書在手。何不口誦。賴無人聞。方好相供。
何等面觜。眼空乾坤。眉毛手捉。欲獻世尊。

羅漢

遂翁禪師畫

把針太綿密。伏虎不神通。作畫圖看底。爭知浮
島翁。

維摩

頭上戴巾。手裏執拂。唯有白拈賊。不作維摩詰。

達磨

茲器在此直指何指偷他一臂失自兩齒皮肉
骨髓換得革履誰能識爾我聞如是導馬腮鳥
紫蒙頭衲被

又

九年面壁宿世業因偷得一臂失卻半身

又

觸忤梁王狼忙魏國天上人間曲不藏直咄不

因夜來雁爭免生荆棘

又

髓皮骨肉山青水綠將謂無餘也數不足

又

十萬里程來意輕一莖蘆上蹈波行百千年後
無人會謾喚濤聲作雨聲

寒山

自心他心指謂似月只許爾言不容再說

拾得

竹筒甘味可分寒山天台春暮無客相攀

布袋指月

指上無物囊中有錢開口不合一笑千年

瀉山淨瓶踢倒

百丈華林瀉山分寫于三幅

父子兄弟相罵相呵過在俗漢瀉山峩峩擲淨瓶有口明明道昨夜牀頭怪夢多

一口淨瓶不作木楔為他祐公謾被盜沒

百丈索火有些來由踢倒淨瓶覆水難收

德山

實無一法捧頭眼豁逢著巖頭得三年活

臨濟

維凡維聖熱喝嗔拳何等面背滅卻驢邊

普化

瞞得臨濟肯作驢鳴鈴聲斷處面目分明

慈母為黃檗洗足

眉閒圓珠脚底黑子知我罪我對面千里。

巖頭

漢水秋寒蟾影清渡牌江上不空鳴堪悲堪笑
貪程客猶向歲公背後行。

又

密啓其意果值沙汰滿面慚惶漆桶不會

香巖

瓦礫觸竹不聞其聲所知纔忘轉長無明。

丹霞

木佛燒盡院主眉墮只有天然不敢向火。

蜆子

事跡頗異一見便見印心洞山還我蝦蜆。

船子夾山

一橈風起月碎波閒打不及處船子夾山。

定上座接欽山

無位非無位諦當不諦當巖頭回顧雪峯進。

贏得欽山面上黃。

定上座橋上逢座主。

禪河風起漲流如箭。汝欲窮底且看定面。

無準和尚

大唐謾喚烏頭子。日本看來白髮翁。有準的兮無準的。松源師叔耳何聾。

又

兩回劫火洞然明白。瓦礫道場搬土拽石。日本

大唐絕高蹤。烏頭莫謾擬黃檗。

佛光國師

龍淵季子鹿門鼻祖。忘卻南宋鄉談。卻學日本言語已矣。手中金毛果然不拂。別處咄。

夢窓國師

掘地覓天豈止驢年。碎空收骨過在碌磚。曾被七朝謾剔抉。至今狼藉鹿山前。

月船禪師

忘路集卷一
一隱三紀影不出山若是佛法隔萬重關滿船
載月人何太衲子無由窺一斑

大典禪師

一筆丹青入妙入神何物好事邈得誰人打筋
斗底眼裏生塵白拂飛雪朱顏如春喫我將蓋
覆蕉中醜卻是模糊大典真

斷崖禪師

惡粹高峯錯接斷崖白雪堆裏死屍謾埋喫不

待春風到花柳清香一夜滿僧齋

鈞國禪師

鈞國長老性急氣豪吞盡浮島吐卻巨鼇因茲
富嶽白浪最高歸來住院說法滔滔六十有七
微恙無勞何圖隻履俄然西鞞別有奇特溪屬
吾曹嚙雖然口裏無牙齒頰上傲霜尺二毛

印宗禪師

只箇空印隨處立宗跳出寶泉活捉千龍朝入

長谷晚現巨峯途。中家舍忽別。忽逢嚮老來。賴有孝兒在。破笠自裁帶。雨松。

洞家尊宿

嚮阿誰。吾不會。汝自知。等閒觸著。別起雙眉。莫向畫裏覓。似則也太奇。賴無人安名字。喚作洞家禪師。莫道相逢。又相別。二月春風柳掛絲。

長天禪師

住景德山永泉寺

永泉一滴難以嗽其口。長天片雲非以釘著空。

觸石忽起到海流。通寧渺漫有緣境。不墮在無心中。悠悠兮。泰岳嵩嶺。滔滔乎。渭北江東。半身先現。孝兒恐觸爺。諱雙趺未伸。嚴令全有父風。嗔將謂按圖買得馬。元是景德舊主翁。

桑州座原

游歷物故嵩山

孤筇抹過湘江水。隻履深埋嵩岳雲。月上桑州明似畫。霜風吹雁影紛紛。

海門和尚

一漚未發濤山浪屋咄露出龍王真面目。

物先禪師壽像

謾翻筋斗安張我軍盤山老矣真偽難分誰知
大悲院齋罷鎖閒雲

西山禪師

西山面目亮公心肝大唐日本同時相看恐入
地獄不證涅槃熊家問訊被指頭瞞畢竟老僧
讚不及處文化乙亥孟春尚寒

自讚

吾不知爾爾還識吾雖然剃頭俗漢圓頂恰似
葫蘆

又 正續闔
眾請

汝視吾猶父吾視汝猶子子不孝父不嚴讚則
嗔罵則喜咄哉汝十有六出受業之院謁東巖
禪師于海岸初知有此事師與汝狗子無佛性
話參究閱三寒暑未有入處適聞豫之荆林禪

師開堂龍山汝偃太挂搭師一日垂語云燈籠
露柱狸奴白拈分明不是趙州狗子無佛性話
汝時忽然有省直詣方丈呈所解師更舉諸訛
因緣詰問酌對不脫洒自謂此事見得分明只
是臨機吐不出已而起單參見英名之尊宿三
四員亦只一般末後參武溪老人一日老人見
汝入室來逆問曰汝之疑處咨詢俱胝和尚果
如何語聲未斷不覺起禮拜老人曰汝見箇什

麼道理禮拜著汝偃豎起一指老人曰不是不
是俱胝和尚別有道處汝偃掩耳走出翌日呈
一偈曰俱胝豎指學人豎指別有道處不是其
指然雖如是汝業債未免安永丁酉冬十月赤
腳登瑞鹿倒把東山走逆水罪過彌天進無進
處退無退處寄跡萬年對聖僧喫飯四十年所
齡過古稀埋骨在近文化丙子臘八前一日萬
年闔衆攜汝來請讚語不敢固辭迅筆書數語

忘路集卷下
雖類俳優幸無愧明眼人乃父子相顧拍手而
歌曰

佯狂魔子無牙齒黃服朱衣甚面紫失卻半身
不識羞歸來獨坐圓窗裏咄

將下龜山泊船力生圖余肖像乞讚字爲
書數語以留別

住與不住蹤跡轉多有佛無佛方好走過咄摘
楊花摘楊花

遺偈

時來人未來興來人將行閻羅大王令嚴明日
打爲君相行

忘路集卷下終

湖木人未衣與木人衣
湖木人未衣與木人衣
湖木人未衣與木人衣
湖木人未衣與木人衣
湖木人未衣與木人衣
湖木人未衣與木人衣
湖木人未衣與木人衣
湖木人未衣與木人衣
湖木人未衣與木人衣
湖木人未衣與木人衣

余侍
不顧老師于西山之日
有囑云若余遺偈欲
傳世多不過一百首
可也今秋刻成鑱山

志路集跋
諸老宿命余以跋余病
後力未克恨不勝可
以作跋焉海津氏忽
以鶴氅一領被贈乃
賦詩謝之若遇

老師在日速以相呈
師喜可知已亦已成賦
後之弓聊寫代跋云
東方海津氏家貯一鶴
氅相傳鶴林翁常披

便長養堪窺毛龜袖古
肯同雪映朗裁不欺
寸分寄慰老狂爽欲
待春風輕暖日且試
一披拂乎三保松

浦上用說世間多仙子
便恐瞥爾塵念崩相
從詠歌與許渾輩相
淪胥不歸去有情
天保戊戌秋

閑雲友石謹識



先師易筭前八九日撰此跋命余代
書不能復改竄誤訛恐多也遺憾可
言乎吁 福村履正泣血記併書



佛日菴藏版

天保九年戊戌九月

製本所

江府 須原屋茂兵衛

同 岡田屋嘉七

